



L'INTERVENTO

Lenghe
furlane:
cumò no son
plui scusis

di William Cisilino

"Noi è un mâl che noi sedi un ben", a disevin i nestris vecjos, cuntune espression dal savôr cristian-aquileiês. E la resinte sentence de Cort costituzionâl su la cuistion de lenghe furlane dal sigûr no je une biele gnove, parcè che e conferme une clime contrarie a lis autonomiis regionâls e limitative dai dirits des minorancis che si sperave di vè lassât indaûr za di timp. Ma i ponts positîfs no mancjn e al sarès un erôr no rimarcâju. Viodinju.

Prin di dut la Consulte e à tornât a di che il furlan al è a plen dirit une lenghe e, di consequence, che i furlans a son une "minorance lenghistiche ricognossude". No dome. Pe prime volte si dîs a clâr che l'articul 3 dal Statût di autonomie - chel su lis lenghis de region - al fâs riferiment ancje al furlan: a conferme che la specialitât regionâl si fonde no dome su la presince dai slovens, ma ancje dai furlans (e dai todescs).

Cun di plui, la sentence e fâs bogns ducj i principis previodûts de leç regionâl 29/2007 in cont dal dirit al insegnament te scuele e al dirit di doprà la marilenghe te publiche aministrazion. Ce che la Cort e censure e je la modalitât di metude in vore di chescj principis e, a lei ben, e va ancje plui innâ: e rive fintremai a sugjerii a la Region cemût che e pues fâ par aprovâ chês stessis identichis normis, ven a stâi cui decretis atuâtîfs dal Statût di autonomie. Chescj decretis a son une prerogative des Regions "speciâls" e a son metûts dongje de Comission paritetiche (presiedude, cumò, dal sen. Giovanni Collino).

Un altri fat impuartant al è che cumò no saran plui scusis par no fâ bogns i regolaments aplicatîfs de leç regionâl: chei, tant par intindisi, che si à di emanâ se si vûl puartâ a plen titul il furlan tes scuelis. Ta chest sens l'assessor ae culture, Roberto Molinaro, al à za dade, su chest gjornâl, la sô disponibilitât. Sperin, dut cás, che la Region si dedi da fâ par rivâ a meti dongje chescj imprescj prime che al scomenci il gnûf an scolastic, se no al sarès un altri an pierdût e no sal podin permeti.

Dongje di dutis chestis oportunitâts normativis e va zontade une ultime robe.

Continua a pagina II ■



DALLA PRIMA PAGINA
Segue dalla prima pagina
che par dai detratôrs de leç
regjonâl e sosten che "non si
può salvare le lingue per leg-
ge" e, naturalmente, al è fals:
se no, no si capirès parcè che
lôr stes a varessin presentât
propuestis di leç par tutelâ du-
tis lis variantis pussibilis e
imagjinabilis dal venit.
Al è vèr, invect, che "dome"
une leç nol è vonde. Si à di vè
ancje une classe dirigente in
câs di metile in vore e une po-
polazion cuntun pôc di snait,
che no sta li a spietâ che lis
robis i plovìn di adalt, che no si
contente di firmâ un modul par
domandâ il furlan a scuele e
dopo no fâs nuie altri par puar-
tâ indevant la cuistion.
E cheste apatie e je un mâl,
un limit di tancj furlans, che o
fâs fature a viodi tant che un
ben.
William Cisilino

N° e data : 90529 - 29/05/2009

Diffusione : 3596

Periodicità : Quotidiano

GazzettinoFRIULI_90529_2_1.pdf

Web Site: www.gazzettino.it

Pagina : 102

Dimens. : 100 %

225 cm2

DALLA PRIMA PAGINA

(segue dalla prima pagina)

*Une part dai detratôrs de leç
regjonâl e sosten che "non si
può salvare le lingue per leg-
ge" e, naturalmentri, al è fals:
se no, no si capirès parcè che
lôr stes a varessin presentât
propuestis di leç par tutelâ du-
tis lis variantis pussibilis e
imagjinabilis dal venit.*

*Al è vèr, invect, che "dome"
une leç nol è vonde. Si à di vè
ancje une classe dirigente in*

*câs di metile in vore e une po-
polazion cuntun pôc di snait,
che no sta li a spietâ che lis
robis i plovìn di adalt, che no si
contente di firmâ un modul par
domandâ il furlan a scuele e
dopo no fâs nuie altri par puar-
tâ indevant la cuistion.*

*E cheste apatie e je un mâl,
un limit di tancj furlans, che o
fâs fature a viodi tant che un
ben.*

William Cisilino